


醫方摘要


卷之十一十二

漢書門			
一	二	三	五
七	八	四	一
號	函	架	冊

內閣文庫	
漢書	三三三
類	七
號	六
冊	函
架	冊

內閣文庫	
番號	漢 12357
冊數	6 (6)
函號	301 82





新刊精選醫方摘要卷之十一

後學衡陽醫士

楊洪纂集

鄭履校正




金陵三山書林

紹南唐棣

馮工鋟梓

小兒科

夫小兒一科古人謂之啞科最費調治誠哉是言也蓋以嬰流難問症難察脉耳抑且臟腑脆嫩而孟浪之劑與夫峻寒峻熱之藥俱不可輕用試詳論之夫孺子之在襁褓中也內無七情六慾之交戰外無大風大寒之相侵奚其幼科之疾若是之煩且甚與抑考



其症大半胎毒而少半傷食也其外感風寒之症什一而已曰變蒸曰痘疹曰班爛曰驚悸曰風癇曰發搐曰痰壅曰赤瘤曰白禿曰解顛曰重舌木舌已上諸症豈非孕母不謹胎毒所致與夫小兒之在胎也毋饑亦饑毋飽亦飽辛辣適口胎氣隨熱情慾動中胎息輒躁或多食煎燂或恣味辛酸或嗜慾無節或喜怒不常皆能令子受惠其爲母者胎前既不能謹節產後又不能調護是惟務姑息不能防微杜漸或未滿百晷而遂與醜酸之味或未穀週年而輟與肥甘之物百病由是而生焉豈非吃食過傷調養失宜

之所致與先賢所謂古者婦人妊子寢不側座不邊立不蹕不食邪味等語厥有旨哉其餘飲食男女養胎幼幼之法必深得造化生生不息之意故古人多壽考兒少夭折者即此之由也嘗見今有稟性溫良之婦有娠不嗜慾後日生子少病而痘疹亦稀亦可

以爲師法矣
初誕搜口法

小兒初出母胎口中含有穢血令穩寢於兒未啼之先急以綿裹手指空出否則即燕下腹令兒多生惡毒伏之在心遇天行時氣熱乘於心則出班毒伏之

在胃則出瘡疹伏之在肝則出水泡伏之在肺則出
膿泡或幼年不出長亦不免爲此之故也法以黃連
甘草硃砂蜜等劑點入兒口解之

硃蜜法

用好硃砂一二錢細研水飛過煉蜜調成和丸如小
豆大兒生三日內止進三粒用乳汁化服此藥鎮心
安神亦解穢血之毒

黃連甘草法

產家先期宜備甘草黃連各一錢細切臨期先用甘
草黃連煎汁候兒初生急以綿帛裹指蘸拭兒口吹

用硃蜜

牛黃法

牛黃益肝膽定精神除熱止驚辟惡氣除百病用真
者爲末煉蜜丸如芝蔴大每三四粒乳汁化服

猪乳法

兒初生母未有乳宜以猪乳代之亦免驚癇痘疹之
患取法候猪兒吃乳時急提起猪兒後脚疾忙以手
接之口中流出即得乳矣否則不可得也

下胎毒法

小兒初生胎氣弱哭聲低者用淡豆豉煎濃汁三五

口其毒自下又能助養胃氣消化乳食

小兒初生大便不通腹脹欲死者令婦人以溫水嗽口
吸吮兒前後心并臍下手足心共七處凡三五次嗽
吮取紅赤為度須臾自通有此症遇此法可謂之再
生甚妙

初生小兒不乳七日不小便用乳汁四合葱白三四寸
水煎灌之

臍風撮口

撮風散 治撮口

赤脚蜈蚣半條炙黃去頭 鈎藤一錢 硃砂二錢水

僵蚕焙一錢 全蝎稍一錢 麝香一字

右為極細末每服一字取竹瀝調下竹瀝解熱消痰
初生小兒七日內口噤用

牛黃一錢細研 以竹瀝調一字灌之

又方 治口噤不開不能收乳

赤足蜈蚣半條去頭足炙焦

右為細末入麝香少許以猪乳一合和分作三服最良
一方

小兒初生七日急患臍風撮口百無一活父母坐視
其死而無救良可憫哉一秘法極有神驗世罕知之

凡兒患此者齒齦之上有小泡子如粟米狀急以溫水蘸青熟綿裹手指輕輕擦破或用小針挑去白泡即開口便安不用服藥

蒸蒸

夫小兒初生血氣未足陰陽未和臟腑未實骨格未全有變蒸之候每三十二日一發熱或吐或汗或嘔吟不食此為長血脈全習意之常候不須治而自愈按諸所論皆謂乃小兒長骨脈臟腑與神志也自生之日始每三十二日一變凡人有一百六十五骨除手足四十五碎骨外正有三百二十骨自生下骨而

上一日十骨三十二日乃為一變骨氣始全一變生一臟或一腑十變則臟腑始足每變發為虛熱諸症亦有胎氣壯實暗變而無發熱症者此骨節臟腑由變而全胎毒亦因變而散也為兒醫者可不審乎

小兒脈法總論

按古法曰凡小兒症候難以手太陰尺寸脈診如一歲至六歲曰嬰孩惟以男左女右手次指三關之脈以為驗病輕重死生之訣第一節名風關無脈則無病有脈則病輕第二節名氣關脈見則病重尚可以藥活而已第三節名命關脈見則病劇乃九死一生之

惡候也多不可治七歲八歲曰齟九歲十歲曰髻始
 可以一指探掌後尺寸三部之脉而以一息七八至
 為無病之常脉十一歲至十四歲曰童而以一息五
 六至為常脉也數則為熱遲則為寒浮則為虛為風
 沉則為實為積為痛浮而數者為乳癰驚悸虛而數
 者為慢驚瘕瘕緊而實者為風癰牢而實者為便秘
 沉而弦者為食積為腹痛緊而弦者為氣急為風寒
 洪數者為熱伏結為傷食軟細者為虫疳若氣促脉
 代散亂無倫次者死在頃臾而不治也業紉絆者其
 可不用心於此

今將手指三關之脉繪圖分註於後



- 一風關易治
- 二氣關病重
- 三命關死候

男向外順

女向內順

又指



女向外逆



男向內逆



凡見义指男女皆不治

三關青是四足驚 三關赤是水驚 三關黑是人驚

如有此三關通度脉候是極重之症必死餘並可治

ㄣ風關青如魚刺易治乃初驚之候也黑色難治

氣關青如魚刺主痺勞身熱易治

命關青如魚刺主虛風邪傳脾難治

丨風關青黑色如懸針主水驚易治

氣關赤色如懸針主痺病兼肺藏積熱尤為可治

命關凡有此脉不問五色皆是死候

又三關通度如懸針者主慢驚風難治

川風關如水字主驚風入肺咳嗽面赤

氣關如水字主驚風痺極夾驚候不拘五色三關通

度者不治

乙風關如乙字主肺臟驚風易治

氣關如乙字主驚風病重

命關如乙字青黑色主慢驚風難治

彡風關如曲虫主痺病積聚胃前如橫排筭子肚皮如

吹胖猪猡

氣關如曲虫主大腸有穢積

命關如曲虫主心痛傳肝難治

几風關如環主肝臟有痺積積聚

醫方類聚卷之八十一

氣關如環主痺入胃吐逆不治

命關如環惡候不治

世寐此紋若在風氣二關易治若在命關通度難治

此紋若在手上或面上或左右腹脇上

乙 脉曲向裏者是氣痺

5 脉曲向外者是風痺

＼ 脉邪向右者是傷寒身熱不食無汗

／ 脉邪向左者是傷風身熱不食有汗

∞ 雙鉤脉者是傷寒

3 三曲如長虫者是傷硬物

兩曲如鉤者是傷冷物

脉一頭如環有獨脚者是傷冷

面上有此點子必是再發之候

凡頭面上或肚腹上有大脉並青筋如此者並是食

毒物驚積難治

脉如亂虫是常痺亦有虫痺食積之痺皆可治

凡脉微細不足者並是風氣俱宜消痺然後取虫積

肥孩兒是良法也

察小兒神色總斷

凡小兒病宜先觀形證神色然後察脉假如肝之為病

醫方類聚卷之八十一

則面青心之為病則面赤脾之為病則面黃肺之為病則面白腎之為病則面黑先要分別五臟形症次看稟受盈虧胎氣虛實明其標本而治之無不可者面上諸候形證歌

痢疾眉頭雛驚風面頰紅渴來唇帶赤毒熱眼朦朧

又

山根若見脉橫青此病明知兩度驚赤黑困疲時吐瀉色紅啼夜不曾停

又

青脉生於左太陽雖驚一度見推詳赤是傷寒微燥

熱黑青知是乳多傷

又

右邊青脉不須多有則頻驚怎奈何紅赤為風抽眼目黑青三日見闍羅

又

指甲青兼黑暗多唇青惡逆病將瘥忽作鴉聲心氣忽此時端的命難過

又

蛇虫出口有三般口鼻中來大不堪如或白虫兼黑色靈丹縱有病難安

又

四肢瘡痛不為祥下氣冲心兼滑腸氣喘汗流身不熱手拏胃臍定遭殃

又

紅淨為安不用驚若逢紅黑便難寧更加紅亂青尤甚取下風痰病立輕

又

赤色輕微是外驚若如尖粒勢難輕紅散多因乘怒亂更加搖擗實難平

又

小兒初誕月腹痛兩眉顰號作盤腸氣啼哭又呻吟如反目仰視者天吊風也

又

小兒初誕月肌體瘦疰羸髮禿毛稀少元因鬼王胎

又

先望孩兒眼色青次看背上冷如水陽男搖左無妨事搖右令人甚可驚女搖右邊猶可治若逢搖左疾非輕歪斜口眼終為害縱有仙丹也莫平

又

眼中赤脉實難量大數元來一不祥最怕亂文鋪目

下更嫌赤脉貫瞳光

又

顛門腫起定爲風此候應知最是凶忽陷成坑如盞足未過七日命須終

又

鼻門黑燥渴難禁面黑唇青命莫存肚大青筋俱惡候更嫌腹有直身紋

又

忽見眉間紫帶青看來立便見風生青紅碎雜風將起必見疝癥隔氣形

又

亂紋交錯紫嫌青急急求醫免命傾盛紫再加身體熱須知藏府惡風生

又

紫少血多六畜驚紫紅相等即疝成紫點有形如米粒傷寒夾食證堪評

又

紫散風傳脾臟間紫青口渴是風癰紫隱深沉難治療風痰祛散命須還

又

黑輕可治死還生紅赤傷寒痰積停赤青度受風邪
症青黑脾風作慢驚

又

紅赤連兮赤藥輕必然乳母不相應兩手忽然無脉
見定知衝惡犯神靈

急慢驚風

內經曰諸風掉眩皆屬肝木夫小兒八歲以前曰純
陽蓋其真水未旺心火已炎故肺金受制而無以平
木故肝木常有餘而脾土常不足也爲父母者而有
失於保養其或衣服寒暄不調以致外邪侵襲或飲

食之饑飽失節以致中氣損傷是故急慢驚風之候
作矣夫惟急驚屬肝木風邪有餘之症治宜清涼苦
寒瀉氣之藥慢驚屬脾土中氣不足之候治宜和中
甘溫補脾之劑若夫急驚之候因聞不常之聲或遇
驢馬禽獸之唬以致面青口噤或聲嘶而厥發過則
容色如故良久復作其身熱面赤引飲口鼻中氣熱
大小便黃赤色惺惺不睡蓋熱盛則生痰痰盛則生
風偶因驚而發耳宜用錢氏利驚丸瀉青丸抱龍丸
宣風散五福化毒丹等藥慢驚之證多因飲食不節
損傷脾胃以致吐瀉日久中風大虛而致發搐發則

無休止時其身冷面黃不渴口鼻中氣寒大小便青
白昏睡露睛目上視手足瘈瘲筋脉拘攣蓋脾虛則
生風風盛則筋急俗名吊天風者即此候也治宜東
垣黃芪湯錢氏釣藤丸温白丸丹溪參朮湯送下硃
砂安神丸之類錢氏謂急驚為無陰之證因心經實
熱而陰不能以配陽是為陽盛陰虛之候也謂慢驚
為無陽之證因脾土虛甚而陽不能以勝陰是為陰
盛陽虛之候也小兒急慢驚風之證其虛實寒熱如
天淵之隔故急驚者十生一死慢驚者十死一生人
多不諳此理混為一途而治誤人多矣業幼科者宜

推幼幼及人之心為心庶免斯世無夭枉之赤子矣

羌活散 治傷風驚熱或中風體硬可加麻黃乾葛薏

苡仁

川羌活

川獨活

前胡

柴胡

川芎

白茯苓

桔梗

枳殼

人參

地骨皮

天麻

各等分

甘草

減半

右剉生薑薄荷煎加蟬蛻治驚熱

防風導赤散

治小兒初驚

生地黃

木通

去節

防風

甘草

各等分

有熱加

黃芩

赤芍藥

羌活

右剉每用水一盞竹葉七片燈草一團煎至八分温服

通關散 治諸風搖擗關竅不通皆由痰塞中脘留滯

百節所致痰之所為潮塞者氣實使之

南星 炮二錢麝香 一字 猪牙皂角 二挺畧燒存性

赤蜈蚣 一條炙焦 直僵蚕 一錢

右為末以手點薑汁蘸藥少許擦牙或用物引滴入

藥兩三點涎出自開

至聖保命丹

治小兒胎驚內釣腹肚緊硬眠睡不安夜多啼哭及

治急慢驚風眼目上視手足抽掣不省人事悉皆主之冷證用此

全蝎 十四箇 去毒 防風 二錢 白附子 二錢 蟬蛻 一錢

僵蚕 一錢 去系炒 天麻 二錢 硃砂 水飛一錢 麝香 五分

金箔 十片 炮南星 有熟用膽星

有熟證加牛黃腦子研砂

右為末粳米糊丸每兩作四十九丸常服鎮心安神化

痰除一切驚風諸證薄荷湯下一方加人參茯苓各

二錢

四苓湯

白木

茯苓

猪苓

澤瀉

各等分

右用水一鍾煎至四分不拘時服

奪命丹

治咽膈痰鳴如潮響諸藥不下服此神効用礞石一兩焰硝一兩共煨為末每用一錢或五分淡薑湯下

抱龍丸

治小兒熱盛發驚搐痰涎壅盛

牛膽南星末

臘月取牛膽汁拌作餅陰乾為末一兩

雄黃

辰砂各二錢五分

天竺黃

右為末甘草煮膏皂角子大燈心薄荷湯下

一方 治驚風用母丁香一粒細嚼人中白少許母中

指取血調擦牙即甦

宣風散

治急驚風搐搦不定痰盛大便秘結

黑丑

二兩半生半炒

檳榔

二枚

陳皮

甘草

右為細末二三歲兒蜜湯調下半錢已上一錢食前

溫服

黃芪湯

治慢驚風之神藥也

黃芪

二錢

人參

一錢

炙甘草

五分

白芍藥

一錢

右細切作一服水一大碗煎半盞去粗食遠服

又方 治急慢驚風

薄荷

寒水石

各半兩

青黛

白僵蚕

生春堂梓

硃砂 各一錢 全蝎 二枚炒 猪牙皂角 槐角各五分

右為細末燈草湯和乳汁調時匕灌下

鎮驚丸 鎮驚寧神退心熱夜啼化痰止咳

珍珠 一錢煨 琥珀 天竺黃 雄黃各三錢

金鉤 十片 膽星 五錢 麝香 五分 牛黃 二錢

硃砂 三錢半

右為細末麵糊為丸梧子大每五六丸薄荷薑蜜湯

化

瀉青丸又名瀉肝丸 治肝熱急驚搐搦等證

羌活 川大黃煨一 無川芎 梔子仁

草龍膽 當歸 防風 各等分

右為細末煉蜜丸如芡實大每服半丸至一丸煎淡

竹葉湯同砂糖溫水化下

神妙奪命丹

七月內取青蒿節內虫入硃砂麝香為丸少加腦子

薄荷湯磨下

保命丹 治小兒驚風神効 方見中風門

諸疳

內經曰數食肥令人內熱數食甘令人中滿蓋其病

因肥甘所致故命名曰疳若夫襁褓中之乳子與四

齊方商

五歲之孩提乳哺未息胃氣未全而穀氣尚未充也
父母不能調攝惟務姑息舐犢之愛遂令恣食肥甘
與夫瓜果生冷及一切烹飪調和之味朝飡暮食漸
成積滯膠固以致身熱體瘦面色痿黃或肚大青筋
虫痛瀉利而諸疳之症作矣錢仲陽曰小兒病疳多
因大病後或吐瀉後以藥下之致脾胃虛損亡津液
而成蓋此證實由愚醫之所害耳斯言也特一端耳
未可悉以為然其所謂大病吐瀉豈非飲食之所致
與夫仲陽為兒醫之祖豈有誤耶其所論諸疳形證
治法班班可考學者不可不審如疳在肝則膜遮睛

法當補肝地黃丸主之疳在心則面頰赤身體壯熱
法當補心安神丸主之疳在脾則體黃腹大好食泥
土法當補脾益黃散主之疳在肺則氣喘口鼻生瘡
亦當補脾益黃散主之此虛者補其母也疳在腎則
極瘦而身生瘡疥法當補腎地黃丸主之筋疳則瀉
血而瘦當服補肝地黃丸骨疳喜卧冷地當服補腎
地黃丸肉疳則目腫腹脹利色無常或沫青白漸而
瘦弱此冷證也宜服木香丸外疳鼻下赤爛自揉鼻
頭有瘡不結迦遶目而生當用治瘡爛蘭香散白粉
散等藥法曰諸疳皆依本藏而補其母則子自安假

散等藥法曰諸疳皆依本藏而補其母則子自安假

今日中潮熱是心經虛熱也肝為心之母宜先補肝
肝實而後瀉心心不得母氣則內平而潮熱愈矣餘皆
做此大抵痺病當辨冷熱肥瘦而治其初病者為肥
熱痺久病者為瘦冷痺冷則用木香丸熱則當用胡
黃連丸冷熱痺並宜用如聖丸之類惟小兒之腑臟
柔弱不可痛擊大下必亡津液而成痺證為兒醫者
常當以幼幼之心為心而善調之母縱巨膽妄為施
治以絕人之嗣續幸甚

地黄丸 治肝痺白膜遮睛筋痺瀉血腎痺身瘦瘡疥
骨痺喜卧冷地又治胃怯不言解頤小兒年長不能

行者專服神効

熱地黄

酒洗

山茱萸

乾山藥

澤瀉

牡丹皮

白茯苓

各二兩

右為細末練蜜丸梧子大三歲以下兒二丸至五丸
熟水空心化下年長者量增丸數

安神丸

治邪熱驚啼心痺面黃頰赤壯熱

方見夜啼下

益黃散又名補脾散

治小兒脾胃虛寒脾痺體黃腹

大好食泥土脾痺氣喘口鼻生瘡等證

陳皮

一錢

青皮

去穢

訶子皮

甘草

各五分

丁香

二分

生春堂梓

右作一服細切水一盞煎至六分温服

木香散 治瘦冷痺

木香 不見火 肉荳蔻

青皮

檳榔 各二錢

麝香 一錢續隨子一兩 蝦蟇 大壯者一名蟾酥俗名風雞三箇燒存性

右為細末練蜜丸如菜荳大每服三五丸至一二十

丸薄荷湯送下

蘭香散 治外痔鼻下赤爛

蘭香葉 一錢燒存性

銅青

輕粉 各五分

右為細末乾付之

白粉散 治疔瘡

烏賊魚骨末 一錢 白芨末 三分 輕粉 二分

右為末和勻先用清漿水洗瘡拭乾付之

大蘆薈丸 治疔殺虫和胃止瀉

胡黃連 黃連 炒 白蕪荑 蘆薈

木香 不見火 青皮 去穢 雷丸 破開白者佳赤者殺人勿可用之

鶴虱 微炒各五兩 麝香 二錢另研

右為細末粟米飯丸菜豆大米飲下一二十九無時

肥兒丸 治小兒諸疔羸瘦飲食不進面色痿黃等症

常服能厚脾胃長肌肉喜其藥價雖省而効甚速

蕪荑 揀淨一兩 使君子肉 温紙包灰火煨一兩 山查肉 一兩

神麩炒

麥牙炒

黃連 二兩

陳皮 一兩

右乾研為細末以陳黃米煮飯搗糊和藥為丸如粟米大每服二十九丸隨兒大小加減空心米湯送下

快活丸 治嬰兒丁奚疳症皮膚瘦削骨露如柴肚大青筋小便白濁睡卧燥亂神氣昏沉常服健脾胃化積

進食肥肌其功效無過於此

蒸餅

麵一斤作餅十六箇每箇重一兩開頂一竅取出餅屑入青礬五分仍以餅屑填緊外以濕紙包固炭火灰內煨透乾取出候冷用之

右為細末別以肥小棗用米泔水浸經一宿飯上蒸熟去皮核爛杵如糊同前餅末杵勻為丸如黍子大

每服三十丸或五十丸用米清湯不拘時送下兒小不能送者將丸藥磨化米湯調下亦可

脂連丸 治五疳潮熱肚脹髮焦羸瘦退熱如神

胡黃連 半兩 香潤五靈脂 一兩

右為末獾猪膽汁丸麻子大每服十五丸米飲送下五疳潮熱謹勿用大黃黃芩

阿蛭丸 治無辜疳證一服虛熱退二服煩渴止三服瀉利住

蟾蜍

一枚夏月陰溝中取最大腹不跳不鳴者其身多癩磊

右取糞蛆一杓置桶中以糞浸之桶中四圍要乾

不可令蛆走上却將蟾蜍打死放在蛆內任與蛆食
一晝夜以新布袋裝蛆在袋內繫定於急流水漂一
宿取出將蛆瓦上焙乾為末入射香一字粳米飯糊
揉丸麻子大每服二三十丸米飲送下
夜啼

錢氏曰小兒夜啼者脾臟冷而痛也當以溫中藥服
之宜益黃散及以法穰之花火膏之類

花火膏 用燈花 以乳汁調抹兒口或抹母乳上令
兒吮之

小兒夜啼作心經有熱有虛治

人參

黃連

薑汁炒 各錢半

甘草

五分

竹葉

右細切分作二貼每貼加生薑一片水煎服

安神丸 治邪熱驚啼心疳面黃頰赤壯熱

麥門冬

去心

馬牙硝

白茯苓

去皮

乾山藥

寒水石

水飛

甘草

炙各一兩

硃砂

二兩

龍腦

右為細末煉蜜為丸如芡實大每服半丸砂糖水磨
化下慢驚用參朮煎濃汁化下

抱龍丸 方見前

導赤丸 方見前

又方 用

蟬退 硃砂各等分 研末塗乳上

一方 治小兒腹痛

甘草 炙 乾薑 各二錢 伏臙肝 一兩人參

茯苓 百草霜 白朮 各五錢

右為末粥丸梧子大每服三五丸陳皮湯下

腹痛多是飲食所傷

白朮 一錢半 陳皮 去白 青皮 去穢各七分 山查 去核

神麴 炒 麥牙 炒 砂仁 各一錢 甘草 炙五分

有寒加藿香吳茱萸 有熱加黃芩

右為細末每服一錢七分清米飲或白湯調下

一方 腹脹

蘿蔔子 炒 紫蘇梗 乾葛 陳皮 各等分

甘草 減半

右切水煎服食少者加白朮

六和湯 治霍亂

砂仁 半夏 杏仁 人參

甘草 各三分 赤茯苓 白扁豆 薑汁 藿香

木香 各二分 香薷 厚朴 薑製各四兩

右作一劑生薑三片棗一枚水煎服

益黃散 方見前

全蝎觀音散 止吐瀉截虛風

黃芪

人參 各一錢 木香

炙甘草

石蓮

扁豆 炒

茯苓 去皮

白芷

全蝎

羌活 各一錢 防風 去蘆

天麻 各二錢

右為末薑棗煎湯調下一二錢

參苓白朮散

治脾胃虛弱飲食不進多困少力中滿痞噎心忡氣喘吐泄瀉此藥中和不熱久服養氣育神醒脾悅色

順正辟邪

白扁豆 一錢半 薑汁浸去皮微炒

人參

茯苓 去皮

白朮 炒

甘草 炒

山藥 各二錢

蓮子肉 去心

薏苡仁 炒

宿砂仁 各一錢

桔梗 一錢

右為細末每服二錢棗湯調下小兒量歲數加減

一方 益元散加白朮炒一兩為末米飲調下一二錢

亦止泄瀉

香橘餅

治嬰孩過傷乳食或吐或瀉及病後虛中感積成痢氣弱神昏面黃目慢服之必愈

南木香

不見火五錢另為末

橘紅 去白五錢

青皮 去穢五錢

厚朴

去粗皮薑汁製一兩

縮砂 一兩

神麩

麥芽

炒一兩三稜炮剉六錢

右木香不見火餘七味剉焙為末和勻煉蜜作餅每服一餅或二餅用棗子煎湯或米飲磨化服

睡驚太乙丹

常服安神鎮驚止夜啼糞青

桔梗

藿香葉

川芎

白芷

白扁豆

右為末煉蜜丸如櫻桃大辰砂麝香為衣每服半丸薄荷湯磨下如糞青色棗湯下夜啼燈心鈎藤湯磨下加白米茯苓白芍藥尤妙

定吐飲

治吐逆投諸藥不止用此神効

半夏

湯泡七次剉片焙乾為末二兩

生薑

乾淨和皮一兩

薄桂

去粗皮剉三錢

右薑切作小方塊如菜豆大同前半夏和勻入小罐內慢火順手炒令香熟帶乾方下桂再炒勻微有香氣以紙攤盛地上出火毒候冷畧播去黑焦末每服二錢水一盞薑三片煎七分空心少與緩服

乳連散

治小兒冷熱痢腹痛或後重不愈

黃連

二兩

乳香

三錢

木香

五錢

右為末每服一二錢用米飲調下

黃芩芍藥湯 治瀉痢腹痛或後重身熱久而不愈及
膿血稠粘者

黃芩 芍藥 各二錢 甘草 一錢

右細切作一服水一盞半煎至一盞溫服

青六丸 治瀉痢

六一散一科 紅麴末五錢

和勻蒸餅為丸如菉豆大每服三四十九米湯送下

皂角丸 治小兒裏急後重

皂角子不拘多少瓦焙存性為末米糊為丸每服二
三十丸陳茶湯送下

脫肛洗藥方

苦參 五倍子 陳壁土 各等分

右用水煎湯洗次用木賊末搽上

又方 用草麻子搗貼頂上賜入即去

華蓋散

治肺感寒邪咳嗽上氣胃膈煩滿項背拘急聲重鼻
塞頭目昏眩痰氣不利呀啞有聲

麻黃 去節 紫蘇子 隔紙 桑白皮 蜜炙 杏仁 去皮

赤茯苓 去皮 陳皮 去白各 甘草 炙 一錢

右為末每服一錢水半盞煎至三分去滓量大小加

減食後溫服

五拗湯

治感冒風邪鼻塞聲重語音不出或傷風傷冷頭疼
目眩四肢拘倦咳嗽多痰胸滿氣短

麻黃

不去節

杏仁

尖 不去皮

甘草

生用

荆芥

桔梗 各等分

右剉一劑水一盞生薑三片煎至六分去滓溫服取
汗為度嗽甚加五味子細辛各減半 又方麻黃去
節杏仁去皮尖甘草炙名三和湯治喘嗽尤妙加減
在乎活法有熱加前胡傷風加荆芥有痰加半夏

脫甲散

治嬰孩小兒傷寒體熱頭目昏沉不思飲食夾驚夾
食寒熱大小便閉澁或赤或白煩燥作渴冷汗妄流
夾積傷滯膈滿脹急青黃體瘦日夜大熱及療傷風
傷寒暑驚癇客忤筋骨腎藏疳氣等熱並宜服之

柴胡 三分

當歸 三分

龍膽草 三分

白茯苓 二分

人參 二分

知母 二分

甘草 炙四分

川芎 二分

右作一劑水小盞連須葱白一寸煎至半盞不拘時
服此方散熱扶表救裏表虛冷汗不妄行裏熱令氣
不閉結外即通關內即開渠通關流行經路開渠不

壅臟腑熱飲表裏之間施無不可積傳驚癇之候用
立見功

抱龍丸 方見前

瀉白散 化痰止咳寬氣進食

地骨皮 桑白皮 炒各一錢

甘草 炙五分

右判一劑粳米煎服

貝母散 治小兒傷風咳嗽化痰

貝母 兩 去心一 甘草 五錢

右為末每一二錢米飲調下

集効丸 治小兒虫痛

木香

鶴虱

檳榔

訶子 煨去

蕪荑 炒

附子 去皮臍

乾薑 炒七錢

大黃 一兩 半

烏梅 去核二錢半

右為細末煉蜜丸陳皮湯下或醋湯下 一方加黃

芩黃連

化虫丸 能化虫為水

硫黃 一兩

木香 五錢

蜜陀僧 三錢

附子 一枚 泡另為末

右先以附子末醋一盞熬膏餘藥研為細末以附子
膏和勻丸如菉豆大每服二十九丸荆芥茶清下

大連翹湯

治瘡疹壯熱小便不通諸般瘡癩丹毒臍風

連翹 瞿麥 荆芥 木通

赤芍藥 當歸 防風 柴胡

滑石 蟬退 甘草 山梔仁

黃芩

右剉一劑加紫草煎溫服熱甚加大黃

敗毒散

治小兒蘊積毒熱煩燥頰赤多生瘡癩赤遊腫毒

柴胡去蘆 前胡 川芎 枳殼炒

羌活 獨活 茯苓去皮 桔梗

人參 各五分 甘草 三分

右作一劑水一小鍾煎服

硝黃散 治火丹神効

朴硝 一兩 大黃 一兩

右二味研為末用新汲水調用鷄羽蘸藥塗刷之

拔毒散 治丹毒

寒水石 一兩 石膏 一兩 黃柏 一兩 甘草 一兩

右為末用清水調鷄翎時時刷之用芭蕉汁調更妙

許學士 治十種丹瘤宜仔細辨治

飛窰丹從頭頂起腫光用葱白研取汁塗

吉灶丹從頭上紅腫痛用赤小豆末鷄子清調搽

鬼火丹從面赤腫竈心土鷄子清調塗

天火丹從背上起赤點桑白皮末羊脂調塗

天灶丹從兩臂赤腫柳木燒灰水調搽

水丹從兩脇虛腫生鐵屑末猪糞調搽

胡次丹從臍上起黃腫檳榔末米醋調塗

野火丹從脚赤腫乳香末羊脂調塗

烟火丹從兩脚有赤白點猪槽下土麻油調搽

胡漏丹從陰上起黃腫屋漏處土羊脂調搽

一方用糯米粉水調敷患處

又方用猪膽汁調黃栢末塗之

破故紙散

治小兒夜間尿床由膀胱冷夜屬陰小便不楚睡裏

自出用

破故紙炒

右一味炒為末煮熱湯調下

又方用

益智仁

白茯苓

去皮 茯苓神 去皮等分

右為細末空心清米飲調下亦治白濁

治小兒重舌

用三稜針於舌下紫脉吐出惡血即愈

治小兒木舌塞口欲滿用紫雪二錢竹瀝半合細研和勻付口即愈

獨聖散

治嬰孩滿口白雪或如栗殼糜爛作痛不能乳食晝夜煩啼此名鵝口症

生南星 不拘多少

右研為細末每用一錢或二錢醋調敷男左女右足心一二次其疾必瘳而嬰兒安寧也

青鵬散 治蘊熱上攻口舌生瘡破爛立愈

黃柏 末二錢 黃連 末三錢 孩兒茶 一錢 硼砂 一錢

枯礬 五分 焰硝 五分 青黛 不拘多少

右共研為末擦口內破處噙良久任吞無害

小兒解顛顛合也因母氣虛與熱多也錢氏曰主下而

顛不合腎氣未成也雖長必少笑更有目白睛多面

晄白色瘦者多愁少喜也丹溪用四君子湯合四物

湯有熱加黃連酒炒煎服以烏梔朮及以白歛末

付之

小兒吃泥胃氣熱也用軟石膏黃芩陳皮茯苓白朮煎服之

新刊精選醫方摘要卷之十二

後學衡陽醫士

楊洪纂集

鄭言校正

金陵三山書林

紹南唐棣

鳩工鍛梓

痘瘡

夫痘者豆也象其形而名之也順其形則順逆其形則
逆以見前人命名之意有在矣蓋痘之為證根於精
血之初而成於淫火之後男女交媾無欲不行無火
不動欲因火生火因欲熾精行血就何莫而非火之
所為且二五妙合精血鑿冶而成臟腑皮毛筋骨之

形夫形既成而火即已中乎衆體無象無臭人可得而測耶毒中必發特俟其時耳俟時而發必假氣血有如真金雜銅須藉火之煅煉斯其銅可出故痘毒非氣弗頌非血弗載使氣不盛則何能逐其毒血不榮則何能任其毒氣血運用頌載之功不前又惡乎能解以此觀彼豈不明其矣乎又若痘有稀稠乃受火有淺深之故而其吉凶生死亦皆於此焉分或遇天行時氣擊動而發者何也天地之沴氣與人身之遺毒同一橐籥相感而動如水流濕火就燥雲從龍風從虎之義而又人之真氣與客氣不容並立故也予嘗愍其尅害生靈非天之設非火之罪誠父母之過也明者鑒之

調治痘瘡大法

小兒痘瘡雖是素稟胎毒然亦因外感相搏而出發熱之初急須表散全在熱退爲佳凡胎毒在腑則成麻疹在臟則成痘瘡然痘瘡發熱大類傷寒疑似之間急宜表散蓋表熱壅塞非微汗之則難出也若裏熱壅盛非微利則毒滯皆謂發熱之初紅點未見時也若正出之時妄汗則成斑爛妄下則成陷伏且小兒脾胃脆弱難任大寒大熱之藥且熱不可盡去無

熱則痘難起發宜輕解利小便四苓導赤解毒消毒
 四順等湯散切忌硝黃巴豆等藥以致黑陷又曰與
 其救痘瘡於黑陷之後不若保脾於未發之先蓋痘
 瘡發於肌肉陽明胃經主之脾土一溫血氣隨暢自
 無陷伏之患且痘瘡氣盛則出快蓋血隨氣行氣逆
 則血滯也是故未出之先預解胎毒發熱之際急須
 微汗既出之初當用溫涼之劑解肌退熱消毒調氣
 活血使榮衛調和氣血流暢則無壅滯爛塌之患又
 必謹避風寒絕戒房事禁止外人穢氣如月婦喪家
 觸忤調節乳食無飢無飽忌傷生冷煎炒外煎焚燒
 降乳使氣隨香運掛噴胡荽酒解穢此調治之大法
 者也

沐也

初平則康固亦通也



發熱三朝症治

凡發熱之初急宜表汗使臟腑胎毒及外感不正之氣盡從汗散則痘出稀少然表藥必在紅點未見之前也如發熱壯盛者痘出必重急煎敗毒散調稀痘丹熟服表之年長者急服消毒化斑湯表之繼服稀痘丹或風寒盛致紅紫斑影不起則化下紫草膏三酥餅又次化下無比散須令遍身皆出臭汗則毒氣表散痘出必稀既汗之後身熱不退宜去紫蘇麻黃薑葱餘照前解毒退熱化下小無比散更研辰砂末蜜調塗眼四圍可免眼患

或熱甚失表發狂譏語煩渴壯熱不退如見鬼狀煩燥不安此外邪與胎毒相拒痘欲出不出毒熱火深煎熬臟腑失而不治旋踵斃矣急煎燈心湯夏用井水調大無比散甚者用大靈丹

或熱盛發驚搐爲吉候用紅綿散調辰砂六一散表之痰涎壅盛昏悶不省人事者薄荷湯化下抱龍丸或發熱失表忽作腹痛腰痛及膨脹努氣乾霍亂者由毒氣與胃氣相搏欲出不得出故也用千金一笑散枳殼青皮紫草木通紅花大黃送下利之不通以蜜皂丸導之或探吐之或以商陸根和葱白搗敷臍

上如班退痘出方免憂虞

報痘三朝症治

初發熱三四日熱退身涼方見淡紅點於兩腮鼻準
兩耳人中地角處先見者吉之兆也不必服藥

如發熱一二日身熱未除先見三五點相連者或隱
或見於太陽司空印堂胸心喉掩如蚕種乾紅色燈
照恍惚唇腫口臭下血此不治症凶之兆也

初發熱二三日所見部位氣亂稠紅而潤挾熱未除
印堂太陽稍稀此為險也急宜以防風白芷薄荷荆
芥紫草酒苓蟬退歸苓紅花木通牛蒡子玄參桔梗

甘草天花粉地骨皮清涼解毒而後以內托和中安
表之劑隨症施治此大法也

觀形色

痘之為症全在觀形察色為主其包血而成員者氣
為之形象乎天毒出而血從則圓必周淨附氣而成
暈者血為之影象乎地毒出而氣從則暈必光明夫
色之紅者毒始出也白者毒未解也黃者毒將解也
乾黃者毒將盡解也灰白者血衰而氣滯也黑者毒
滯而血乾也焦褐色氣血枯也如紅變白白變黃者
生紅變紫紫變黑者死之兆也痘之稀者毒火不勝

其氣血不治自解間有氣血弱而風寒侵泄瀉所陷
毒藥所傷者亦難保全稠如綴粟者氣血不勝其毒
火動生風表裡不順榮衛不調七竅壅塞可易療乎
間有血氣勝者其形圓淨不連其色紅活不滯雖稠
密可治

防斑疹 疹即麻疹斑即斑毒疹小於痘而成片斑大
於痘而紅紫痘毒出於臟而深疹毒出於腑而淺疹
毒受於運化之間是以輕而易解亦有難解者為內
實而外中風寒也夫毒從外解疹從內解此不易常
法若痘出之際毒趨百竅被風寒封固腠理蒸氣血

壯盛濕蒸火熾擊動腑毒因而痘疹並出是皆不順
之候如痘出稀疎可以升麻湯解之疹散痘出其勢
自利若痘太盛其疹雖解而氣血已先受虧誠恐內
虛不能收斂是尚難議有生其有灰斑者乃血太盛
而衛氣踈怯不能密護脉絡至太過之血夾毒上浮
陳氏所謂三番斑疹是也如痘出起齊內必虛矣內
虛則斑從肉解不解以升麻湯加歸芍主之又有結
痂後而發者餘毒熱盛煎熬肉分其斑必爛以解毒
湯加歸芍防風甚則大連翹飲爛處敷生肌散無不
瘳矣若夾毒初出色赤如火乃毒滯不能宣發之故

當服四順清涼飲利下一二次而退則血附氣倏急
進四君子湯加芪薑棗如瀉不止加肉苳蔻藥須預
煎伺班退即服防其損陷斯謂用藥之機如用兵也

驗唇口

唇口與五內相通氣血盛衰受毒淺深觀此可知吉
凶也未出宜紅活如常不宜燥烈乾紅如見黃白紫
赤而不潤澤或氣粗熱盛若白至唇濕處而為胃爛
者皆不可治如唇上瘡出相連諸瘡未漿而此瘡先
已黃熟則其毒內攻已成使瘡難成漿尤為不治之
症間有氣血下陷毒攻唇口糜爛成疳疳雖成若得

黃白膿水出者差可治也又有色如乾醬其肉臭爛
一日爛一分則二日爛一寸名走馬疳世無可治之
方矣若瘡未褪謝連唇口結乾紅頰赤唇紫此乃欲
成肺癰之候治宜解毒涼肺以解毒湯加陳皮歸芍
桔梗黃連甚則大連翹飲隨症加減

發渴

津液不能制火宜大補元氣以保元湯加麥門冬五
味子甚則參苓白朮散陰虛火動渴難治

痒塌

氣虛而血上行鹹醃皮肉抓破倒塌宜保元湯倍芪

助表加芍藥制血或加何首烏有食毒而發中氣者宜戒

別寒熱

痘毒非熱不發其出非熱不損未出之前宜大熱以逐其毒却乃頭溫足冷不能盡發其毒反致攻內此當熱而不熱也毒既出宜表裏和平長著氣血助毒成漿乃反熱盛煎熬氣血往來不寧不能拘收其毒毒無出路甚則氣泄血失之患作矣是皆逆候也但觀氣粗面赤耳尻反熱耳熱之間平時冷處今皆熱可見熱甚也治法在前宜解毒湯無比散升麻湯在

後以保元湯加桂助氣血以逐其毒

初發寒熱為實因氣血與毒火相攻氣血旺而不受邪觸故也已出而發則為虛矣七日前後獨熱者痘蒸氣血與毒俱盛之過也七日前後獨寒者為氣血虛損而毒氣內鬱太盛難治矣十四日獨熱者為餘毒易治

泄瀉

痘瘡泄瀉者須投訶子肉荳蔻以止之兼用白朮茯苓以滲濕健脾胃宜多用升麻以升提痘毒於皮毛之表若獨治泄恐痘不升發必成倒塌曾治痘出作

泄投以訶子豆蔻茯苓未効余記東垣有云大便行
即當與升麻湯服之恐斑痘爲內陷故用升麻爲君
鼠粘子參朮訶子肉豆蔻木香茯苓爲使一日連服
三貼遂瀉止而痘起若獨據其泄而不早爲升發解
毒誠恐六七日毒該出而痘不起復雖藥不及矣

寒戰闔牙

七日前見寒戰者表虛闔牙者內虛七日後見寒戰
虛極也氣虛以保元加桂以溫陽分血虛以保元湯
加芎歸以益陰分有不省人事閉目無魂譫語狂煩
尋衣摸縫聞牙不巳者此血氣將盡覆水難收矣七

日前早用保元湯猶爲可治

面目預腫

痘發五六日面目先腫光亮者因血有不足虛陽動
作其氣妄行肉分七日後氣退毒陷不可爲矣

目睛露白

毒出之後衛氣受虧而元氣亦損腎脉縮急致睛上
吊也不省人事無魂者不治但只露睛而無他症可
以保元湯加陳黃米助胃益氣以固真元也若七日
前者必不可治

咽啞水喉

心氣舉擊出於肺而爲聲喉竅若管籥焉痘出氣喉
初時不覺及肌表之痘成漿內痘亦成漿其毒壅盛
則氣出管籥窄狹故氣舉擊出之聲不清而爲咽啞
如飲湯水毒痘壅礙會厭門不易進納乃溢人氣喉
氣喉不受物故發而爲嗆若穀食有渣自能入門不
嗆非如水溢犯氣道也故咽啞水嗆七日後作者不
醫自愈何也外痘靨之而自全也若七日前見並爲
逆症以風邪阻塞腠理痰唾稠粘有礙氣道其毒不
能盡行肌表故耳

尖血發泡

毒氣太盛血弱錯經妄行或吐或便皆不治獨鼻
傳注督脉不患其內爲無害若陽瘡痘間出者則爲
走泄走泄多肉分空虛毒無定位矣其發水泡血有
不足不能載毒歸附致氣獨盛有過本位津液隨之
發爲水泡宜保元湯加白朮山查少潤水氣以平之
水泡一症最難治原其放苗之初若見根脚嬌紅而
血散亂痘頂皮白最薄光亮如水晶易於長大若此
水泡稀少根紅活頂潤澤或頭面胸背亦有正痘或
在後發些小正痘如粟米大者猶有生意可照前用
參芪芎歸加其草肉桂加糯米爲使磨木香酒乳服

之若一齊湧出無大小根腳淡不治苗不潤澤灰暗者不治九日形色已定亦不治

首尾戒忌

汗

痘初發藥用發散表汗開通毛竅則在表之邪得以發散而裏之毒亦易疎宣若痘痕既見痘發於表必賴表實庶易成功如再汗之表虛邪入陷伏斑爛作矣亦有痘出早而熱方發者未可即補猶宜畧用解表之藥

下

夫痘發必賴裏實以滋養之方得貫膿收壓如種豆有賴於地肥而根固也苟妄下之則脾胃一虛氣血隨耗陷伏之患作矣若未靨之先大便雖秘止宜蜜皂導之若未出之先及收靨之後熱實便閉下之可也

吐

毒在上焦發越不透故作吐初發熱時自吐瀉者多輕以毒氣上下出也若用發散解毒藥隨服隨吐訖再服吐不止無害痘出毒盡吐瀉自止胃寒不止者溫之

食忌

生硬果實不可用若燥渴甚及暑天者冷水有益也
 辛熱煎炒酒蒜不可用若虛寒怯弱者酒可入藥雞
 可資補也 不宜早水不宜多食飽寒冷傷胃古今通
 戒醉飽致疾世俗積弊戒之雞肉生風猪肉生痰魚
 腥助火酒飲致痒醋酸損齒牛脯黑茄厚味酸鹹無
 益有害

氣臭

氣血聞香則流通觸穢則凝滯故房事月婦牲腥膻
 臭醉酒蒜暈硫砒糞穢之氣務宜防避

順逆險三法圖

凡治痘症非有鈞衡氣血之能者不得任其職也何
 哉人在氣交之中未免有內傷外感以致百病生焉
 唯痘之出則異於是自

帝王至於士庶無不由此而一患也且夫毒之為害最為
 惡極必當察其氣運興衰以鈞衡之法而施治於氣
 血乃克有濟苟或氣交會不足半功之能奚足以制
 其毒必須藥之半功協助氣血收其全功斯為至矣
 故立順逆險三法以為保元湯治痘之鈞衡末為定
 例使為醫者之有則焉生靈得失吉凶悔吝攸繫乎

其間噫非三法之鈞衡則何以濟其血氣之虧盈上以報答

帝王下以惠及士庶及觀古人作醫案効於藥者則書之乃出於一時之權耳審其掩之於無効者不知其幾多詎可為後人之治例哉愚謂以權為例不若以例為法權出於變例出於衡寧可法其衡以為後世之

此法之出也... 治痘之科... 氣交不至

《順逆險三法之圖》

立三法治痘之科

陰陽交會 大小不一等

氣交不至

此法之出也

順 ○ 吉之險

痘 ○ 象也

○ 悔吝之象也

逆 ● 凶之象也

痘 ● 象也

不治氣虛從逆

光明潤澤 氣陷不滿

死不復生

成百世醫宗之本

順逆險三法圖說

夫痘有順逆險三者古無有也何則順者吉之象也

逆者凶之象也險者悔吝之象也治痘而執此三者於以觀形色驗吉凶將無施而不當矣蓋痘之一症始於見影終於結痂凡十四日之間而已苟非三者察形色之善惡定性命之吉凶尚何以決生死人將治所不當治不治所當治妄投湯劑亂施死方貿貿焉不知所之被其狂死者多矣此三者之法所以不得不立也是故吉不必治治則反凶凶不勞治則何益至如險者則宜治矣治之則可以轉危就安此皆必然之理予歷年治痘見其順者多逆者少惟險者介乎其間要之氣血有厚薄之不一也夫氣血盛

斯毒易解氣血損則毒難愈惟氣少弱者瀕毒不能頓解然生意未始不固乎其中故必加以補益扶持之功治所當治順所當順斯其悔吝無不平矣痘出形症日期順逆險治例圖

醫家之法有望聞問切四者所以審其政之由也惟痘之爲咎利乎觀其形色深淺始終悉於此乎備矣且痘出乎淫火淫火者人身之精華妄動之異以氣血而中以氣血而守以氣血而斃以氣血而解信非氣血不能始終也蓋觀氣血則吉凶傳變之症可驗治氣血則撥亂反正之道可收治者要之留心於其

則目無全牛矣苟能察其理而行之則不失其本末
 根據如有他法吾所不知也今以初出至痲落日期
 形症吉凶之象參以順逆險三法為則以明可治不
 可治之症畫為圖式凡圈內白者氣也圈外黑者血
 也圈內之圈者陷也圈外黑散者血不附也圈內黑
 圈者血乾也以次開列於後少備三法之階梯而圈
 下復立著意定形辨色症有體用之分按剗取功治
 有折衷之妙其體用之應變折衷之效順而有數存
 焉學者又不可不留心於此振吾道於生生之間亦
 足以逆乎仁之用矣

氣尊血分者生

一二日初出之象如粟於口鼻腮耳年

始順。

初出血點
 淡紅潤色

壽之間先發三兩點淡紅潤色者順之
 兆也於天庭司空太陽印堂方廣之處
 先發逆之兆也雖稠紅潤澤成箇者險

出逆



形如蚕種
 紫黑乾枯

也順者不治自愈為氣得其正血得其
 行毒不得妄行以肆其害也逆者不治

圖險



圓暈成
 乾紅少潤

為氣澁血滯致毒妄參陽位無以當其
 勢也險者毒雖犯上其氣血未離憂虞
 之象未可加治俟其血氣交會之後以

毒參陽位者死

保元湯加桂在之謹防氣洩血散

特無救矣

陰陽得道而形圓

圓順 ○

氣溢血附
飽滿光潔

混逆 ☉

氣失血散
枯死不榮

圖險 ○

頂陷不滿
光潔有神

氣血成功而毒化

二三日根窠圓混氣之充滿也氣之充

滿血必歸附為順根窠無暈氣離血散

為逆根窠雖圓而頂陷者血亦難聚為

險順者不治自愈為氣血得其道也逆

者氣血交會不足致毒乘機而犯內也

險者為氣弱不能煩袖其血也以保元

湯加川芎官桂扶陽益陰豈有不痊者

哉

形圓而體天象

形順 ○

氣滿血榮
鮮明光澤

色逆 ☼

綿密如泡
黑紫乾紅

圖險 ○

根窠雖起
色慘不明

色潤而現精華

四五日觀痘勢之形色則知氣血之

弱受毒之淺深此治法之大要也其形

尖圓光澤大小不一等氣和血就順也

其形綿密如蚕種黑陷乾紅紫泡者逆

也其形根窠雖起色不光潔生意猶在

險也順而愈為氣拘血附各得其道而

毒自釋逆而不治為氣血相離縱毒內

攻險而治為氣弱血盛勢雖挾毒犯上

然得交會分明用保元湯加芍藥桂米

助衛制榮斯為調燮之妙矣

氣血並隆能制毒

五六日氣盛血榮於內則發揚於外為

順氣雖旺而血不歸附其色灰陷或紫

陷或發為水泡瘡塌為逆氣雖旺血雖

歸附不厚其色光白不榮為險順者自

愈為氣血豐厚毒受制也逆者不治為

氣弱血衰致毒下陷而外剝也險者易

治為氣盈血弱不及歸附用保元湯加

木香歸芎助血歸附氣位否則氣不足

以全中和之道也

起順

○

氣會血附
紅活鮮明

發逆

☹

氣背血離
乾枯綿密

圖險

○

氣弱血榮
色昏紅紫

盈虧雙治見神功

氣血勝淫邪之毒

漿順

○

氣化漿行
光潔飽滿

行逆

○

漿毒不行
神去色枯

圖儉

○

氣血少定
光潤有神

乾坤順造化之情

五六日氣盈血附其毒自化化則成漿
順也氣陷血衰其毒內伏則不成漿
逆也氣交不旺血雖歸附不能成漿險
也順者可不治而自愈為氣血得中其
毒自解也逆者不治為氣血相離不能
制毒而外剝也險者須急治之為氣血
少寒不能振作急投保元湯加桂米助
其成漿而收濟惠之偉功斯為治矣

血漸收而毒溢

漿順



氣足血微
神全光潤

足逆



氣陷不滿
色枯乾紫

圖險



氣弱血附
光潤不枯

氣已滿而神疑

血賴天和而保命

漿順



氣壯血化
毒始去身

老逆



氣陷不滿
毒成外剝

圖險



氣平少冲
紅黃色潤

氣形毒化而成功

七八日氣旺血附其毒化漿順也氣血
乖離其毒不化漿逆也其氣血少緩毒
雖化而漿不滿險也順則不治而自愈
為氣旺拘血化毒之故也逆則難治為
氣血不及不能振作以制其毒以發癰
發疔者可生外剝內傷者必死險則可
治為氣血有碍不能大振以保元湯加
桂米發揚助漿斯可以保全生命者矣

八九日漿足氣血之功成矣氣血功成
生命定也如無他證順而也巳漿不足
者氣血盡矣氣血盡而大命臨之逆矣
漿不冲滿血附線紅氣弱而險也以保
元湯加薑米以助其氣而駕其血斯漿
成也於此可見施治者之妙道也

醫方摘要 卷之二十一 十一

邪正明君臣道濟

血順 ○ 氣平血收 光色始歛

盡逆 ○ 氣弱血凝 枯朽剝極

圖險 ○ 氣少中滿 血亦有力

真元固氣血功成

十一二日血盡毒解氣調漿足此生生自然之理也為順或血淡而漿薄或血凝而漿滯以見氣虧而毒不解為逆血盡漿足濕潤不斂者內虛也為險以保元湯加茯苓白朮以助收斂結痂也

君道成而臣力致

結順 ○ 氣血歸本 神化功全

痂逆 ○ 氣血不全 初虧一實

圖險 ○ 氣血效功 神化太過

神化全而毒勢平

十三四氣血歸本毒既殄減漿老結痂順也毒未脫形諸邪並作雖云結痂此其逆也毒雖盡解漿老結痂之際或有雜證相混以保元湯隨證加減不可攻用寒涼火熱之濟恐致內損之患故也

脫盡客感淫邪之火

還順



氣血無恙
痲落癰明

十四五六日氣血功收痲落而無他證

順之徵也痲未易落寒戰咬牙發語狂

煩疔腫作者無可生路逆之兆也痲落

潮熱唇紅口渴不食者險之勢也以四

君子湯加陳皮山查黃連渴甚加參苓

白朮散不解以大連翹飲去黃芩主之

證去之後多有內損或餘毒未解此則

尤難治者也

元逆



氣血兩虧
天年盡矣

圖險



氣血功收
神化少血

補金太和造化之功

氣弱毒滯而成形

頂

陷

圖



陽虛陰
實之象
故性好
下陷也

血附漿行而順道

七日前後五陷者氣不足也氣不足不

能收血而毒不能成漿蓋氣不勝毒故

也七日前後見此宜治以保元湯加苓

桂糯米溫胃助氣又以水楊湯沃洗之

血不榮加歸至十一二日漿足或有之

如血氣光澤有起勢者亦不可過於治

也深恐滿而過盛及霍白骸或血如死

灰漿不滿足其血雖附不榮而兼有內

證者生命不可保矣

醫方精義

九仞山成功虧一簣

倒

陷

圖



內外具
虛之象
氣血勢
離故滿
而復陷
也

兩儀道否治賴孤陽

七日前後倒陷者氣血衰也七日後根
窠發足漿行之次因瀉氣陷毒即隨氣
血而反陷也如血不走歸附鮮明衛護
之力猶在治必有可拯之理其血不顧
亦必挾毒攻內禍復起於蕭牆其可救
乎急以保元湯加苓朮肉苳菴渴以參
苓白朮散主之又有峻用發泄毒劑致
傷元氣而氣血隨毒勢反陷伏者有之
用予保元湯豈有是患誠謂一絲九鼎
治者不可輕視

毒聚媒孽之初

陽

毒

圖



外實內
虛陽之
象也故
性外佳

功收禪補之後

七日前陽毒者凡瘡也或瘡未痊及初
結癥處肉分必虛毒受氣血相擊周流
百脉必趨虛處而出也蓋陽瘡陰毒溷
雜一黨反勝諸毒而名之也其毒濕潤
者為氣血俱盛而諸毒易成漿也其毒
枯燥乾紅氣血俱弱毒與諸瘡相抗而
俱不成漿也治法同彼頂陷如枯轉潤
紅變白其漿自溢於此可見治者之功
効也


醫方精義

卷之二十一


十一

二天

毒聚於已發之未發



手之三陰
交會之處



足之三陰
交會之處

足形

功收於欲危之未危

七日後癩者陽毒也痘之毒併聚一

處而假其名也蓋氣血不能拘收乘載

其毒使氣弱血盛陽分空虛血則載毒

傳注四肢合處合者海也曲池委中是

也毒不成漿七日前後發者宜縱之發

其毒並從此而出也若治其毒必隨痘

而散內攻臟腑必無可生之理如痘毒

已解血氣豐盛宜解散其餘毒以保元

湯加解毒湯主之為妙

氣有全道之功

疔

毒

圖



中實外
虛陰之
象也故
性化內

毒無立身之地

九日後癩疔疔者釘也毒發陽位聚而

自成窠穴也蓋氣位弱而血分不密其

毒性不能自散故聚結而成其形如氣

固血盛則毒受制歸附豈有是耶結於

四肢或小或大不近臟腑雖抵穿筋骨

者易治結於頭面腹背逼近於內者其

勢必攻穿臟腑難治如不穿者急治治

不可加峻以保元湯加牛旁子當歸荆

芥助氣逐毒待毒液自滿自釋也

起風寒不測之端

內

潰

圖

腹形

凶象

也

絕天地有生之路

七日前內潰者胃爛也蓋因風寒所中
腠理固密陽陰二分壅塞不通其毒內
攻氣既不能拘血血又不能載毒臟腑
之間毒火炮熾則潰而成膿口舌皆白
是其驗也如此尅害生靈何其慘毒識
者知痘毒未出之時或有風寒阻隔氣
粗熱盛身必戰動肚腹急疼謹防此患
以和解毒升麻湯逐散寒邪開泄腠理
縱毒而出豈有是證者哉

保元湯加減總要

夫痘泄玄中消息醫崇心上工夫非刺喉彫刻之難
豈象罔尋索之易弭縫造化起萬命於迷途窺竊刀
圭收全功於反掌是以人參益內甘草和中實表宜
用黃耆助陽瀕瀕官桂前三味得三才之道體後一
味扶一命之顛危川芎助清陽而調血糯米溫中內
以壯神葶藶非泄利而莫投木香必積滯而可下當
歸能活動其血對證方加芍藥能收斂其陰合宜則
用胃不實始議白朮茯苓瀉止即止心煩熱急與麥
門五味渴除即除陳皮解濕痰黃連退虛熱毒凝滯

而不透紫草當行氣鬱悶而不通山查莫缺加之得
 當君子登堂用之不應小人入室寧可緩治於尺寸
 不可縱步於毫釐毒雖係夭折之機世可棄保元之
 劑屢試屢驗能收百中之功原吉原凶獨擅一方之
 力變前人之古闢當世之幽坐悟行思少罄廿年小
 見回生起死敢當諸氏大成匪我能之實天假也

保元湯

人參一錢 黃耆三錢 甘草一錢

右用水一鍾半生薑一片煎五分不拘時服

水楊湯

專治痘出陷頂漿滯不行或為風寒久尅者如初出
 收斂時俱不宜痒塌破損亦如之

水楊柳 五斤淨洗春冬用枝秋夏用枝葉剉

右用長流水一大釜入楊枝在內煎六七沸先將三
 分中一分置浴盆內手試不甚熱亦不可太溫先服
 宜用湯藥然後浴洗患者漸漸添湯不可太冷浴洗
 久許乃以油紙捻燈照之累累然有起勢陷處暈暈
 有絲此漿影也漿必滿足如不滿又浴如前法若力
 弱者只浴洗頭面手足可也若不赤體不厭其多洗
 少壯亦燃燈照如無起勢氣血散則津液枯矣可以

輟洗

論曰

痘毒不能行漿乃陰陽二分氣澁血滯腠理固密精氣雖盛不易疏通所以有是患也須以水楊湯浴洗待其閉塞之處暖氣透逼發泄和暢鬱蒸氣血斯其漿可易成也洗浴之間燈影之下觀其痘不覺隨手而發功效豈淺也哉且服藥不過助氣血以成功耳然藥力差緩殆難頓爾達其手足面目若服藥後而更以此湯沃之其藥氣藉此升提可不充豁萬竅功效如此烏得為風寒所阻而致構成大患耶且洗之

法必添湯久沃使其暖透骨肉通理內外斯毒氣隨暖氣而發行漿貫滿豈不如反掌也耶彼風寒尚可得而中乎予曾行醫村落民家見一老嫗抱患痘小兒以此湯沃之其痘頂陷初未漿是至次日又往觀之則漿行已滿矣予因扣之彼已妄其所來至家數里轉行轉悟其理遂得始即黃鐘一動而動蟄啓戶東風一吹而堅冰解復始雖二物竟則同一春也及觀詳書皆無此法其後以是行之百發百中遂著為外治之法傳告於世少補急救之一助云治者慎勿易而廢之誠可謂有燮理調和之妙道也

又方

塗眼法

用硃砂水飛過爲末蜂蜜調塗眼四圍

清油法

發熱之時用清油遍身塗之其痘出稀少

升麻葛根湯古方二日前後用見紅點切忌之

升麻

葛根

芍藥

甘草

各等分

右用水一鍾半生薑三片煎至五分服

胡荽酒

胡荽子研酒調噴床帳衣服薄敷其身厚敷其面仍

仍多掛於床帳

三酥餅 初發熱用以表汗解毒稀痘

辰砂 絹囊盛之用升麻麻黃紫草荔枝殼煮過

一日夜研細仍前四味煎湯飛過晒乾再研極細

用真蟾酥另捏作餅

紫草 爲細末用真蟾酥另捏作餅

麻黃 去節湯泡晒乾爲末用真蟾酥另捏作餅

右方辰砂解毒胎毒涼心熱解毒又能發痘紫草解毒

發痘麻黃解毒發痘如遇天行惡痘須於發熱之初

每三歲兒將三餅各取一分或半分隨大小加減熱

酒化下厚盖出汗不能飲酒者敗毒散化下難辦者
止用下方

蟾酥 端午日捉蟾取之捻前三餅各丸每餅加
麝香少許妙

稀痘丹

雄黃 一錢 冰片 五厘 麝香 二分 辰砂 一錢

右研勻取蟾酥調和為丸如菜豆大每七歲兒用五
丸納生葱管內濕紙包灰火慢煨紙乾取去將升麻
紫草防風蟬退白芷荆芥牛蒡子紫蘇乾葛木通其
草等分燈心葱白五根水煎乘熱送下被盖表汗則

毒解而痘稀矣

紅綿散

全蝎 去毒 麻黃 荆芥穗 天麻

甘草 薄荷 紫草 蟬退 各等分

右水煎加生薑一片葱根汁三匙
加味敗毒散 此方發熱未見痘先熱甚者多服之調
三酥餅表汗最妙

前胡 羌活 薄荷 升麻

荆芥 牛蒡子 白芷 防風

蟬退 紫草 紫蘇 各等分

右古方除參苓恐補早助火也生薑三片水煎加入
葱白汁五匙熱服出汗熱退為佳如熱甚加柴胡黃
芩譏語煩渴用此調六一散夏加香茹冬加麻黃瀉
久不止加豬苓澤瀉

抱龍丸 治痘熱盛發驚搐痰涎壅盛者首尾可用

牛膽南星 五錢 雄黃 一錢 辰砂 一分

天竺黃 三錢 麝香 五分

右為末甘草煮膏為丸如皂角子大每用一丸燈心
薄荷煎湯磨化下

小無比散 治渾身壯熱口渴小便黃澁大便堅閉口

氣熱煩燥不寧痘焦紫或見紅班自發熱至出痘陸
日之間有熱皆可用痘後餘熱亦可用

白滑石 飛一兩 白石膏 飛一兩 寒水石 五錢細研

麝香 一錢 麝金 甘草同煮透去甘草不用研
取細末七分

右共為細末和勻每五歲用五分照此加減冬用燈
心湯調下夏用冷水調下熱甚不解者用冷水磨犀
角調下即時身涼紅活若痘紅紫頂陷下不起或發
不快加大成散一二分服下即起

托裏散 此方托裏排膿實脾助胃調養氣血和中安
表五日後方可用

人參

黃芪

炙甘草

川芎

厚朴 薑製

當歸身

白芍藥

桂 少許

桔梗

白芷

防風 各等分

右作一劑用糯米一撮水煎服渴加麥門冬五味子
嗽加陳皮貝母不飲食加砂仁

大比六一散

治熱毒太盛狂言引飲痘瘡紅紫黑陷

活石

水飛六兩

大辰砂

水飛三錢

粉甘草

一兩

雄黃 一錢

右治驚狂言語發熱之初用敗毒散調下亦能稀痘
若報痘後紅紫熱毒者燈心煎湯調下三五歲一錢
十歲二錢

活血散

治痘腹痛首尾可服

白芍藥

酒炒不拘多少

右為末每服一錢溫水調下止痛用酒調尤妙

辰砂六一散

口渴譫語煩燥用之立止

滑石

六兩水淘過

甘草

末一兩

辰砂

水飛五錢

右和勻每用三錢水調服

四順清涼飲

七日前用

大黃

當歸

芍藥

甘草

各等分

右用水一鍾煎至五分溫服

防風其桔湯

治咽喉痛

防風

甘草

桔梗

各等分

右用水一鍾煎六分熟服

無價散 治痘瘡稠密紫色灰白陷頂變黑歸腎

人糞不拘多少取堅硬無病小兒者佳入於確內泥

封固火煨二炷香喉涼取出為末每服二三錢淡蜜

湯調下如作瀉溫酒調下

千金一笑散 鮮一切痘毒

山慈菘

雄黃

玄參

赤石脂

硃砂各五錢

千金子

五錢

麝香

三分

片腦

二分

檳榔

一兩

紫河車

一兩即金線重樓

右為細末菜豆粉丸圓眼大川芎煎湯磨下

大連翹飲 痘後諸毒不鮮服此鮮之

連翹

鼠粘子

炒研

當歸

酒洗

芍藥

防風

荊芥

木通

滑石

車前子

瞿麥

蟬蛻

梔子

柴胡

黃芩

甘草

各等分

右用水一鍾半薑一片煎至五分不拘時服

四聖散 初出痘大小便不利用止宜一二劑

紫草

木通

甘草

枳殼

等分

右細切作一服水一盞煎七分溫服不拘時

解毒湯 解毒利咽膈

鼠粘子

荊芥

甘草 各等分

右用薑一片水一鍾半煎至五分徐徐服

肉苳蔻丸 治痘後泄瀉要藥

木香

砂仁

訶子肉麩果煨槌碎去核

白龍骨

煨各半兩

赤石脂

枯白礬

各七錢半

肉苳蔻

半兩濕麩果煨熟去油

右為細末麩糊為丸如黍米大每服三十丸至五十

丸煎異功散送下

參苓白朮散 不拘日例

人參

白朮炒

茯苓

甘草

藿香

木香減半分

白扁豆

炒

乾葛

各等分

右為末每服二三錢米飲調下

四君子湯 不拘日例

人參

白朮

茯苓

甘草

各等分

右作一劑水一鍾煎七分服

四物湯 不拘日例

川芎

當歸

芍藥

地黃

右作一劑水煎服

十全大補湯 不拘日例

川芎

當歸

白芍藥

熟地黃

人參

白朮

白茯苓

甘草

黃芪

肉桂

右作一劑水煎服

木香散

木香

大腹皮

酒洗淨

人參

桂心

青皮

赤茯苓

訶子

煨去核

前胡

半夏

薑製

丁香

甘草

各三分

右細切作一服加生薑三片棗一枚水煎薑大小加

減分數與之

異功散

木香

當歸

酒洗去蘆

桂心

白朮

茯苓

陳皮

厚朴

薑製

人參

肉菓

麩裹煨

丁香

半夏

湯泡七次

附子

炮各三分

右細切作一服加生薑三片大棗一枚水煎服

生肌散 專治痔腫不斂並瘡後膿血雜流不收等症

地骨皮

黃連

五倍子

甘草

黃蘗

右為細末乾摻瘡上

生肌散 不拘日例

五味子

人參

麥門冬

右煎湯當茶與服止煩渴

敗草散

治痘瘡痒爬破泄氣用此神效

用蓋屋及牆背上遠年腐草洗淨焙乾為細末綿裹撲之及鋪床席上佳

白螺散

專治痘瘡不收斂

白螺殼

不拘多少古牆土取

右用去土洗淨火煉紅取出存性為極細末瘡口濕處乾摻為妙

柴胡麥門冬湯

治收斂後身熱不除用

柴胡

麥門冬

龍膽草

玄參

人參

甘草

右作一劑用水一鍾煎服

甘露飲子

治痘瘡口瘡牙齦腫爛臭腐服之立效

生地黄

熟地黄

並用酒炒

天門冬

麥門冬

枇杷葉

炙去毛

枳殼

麩炒黃色

黃芩

石斛

山茵陳

甘草

各等分

右細切作一服水一盞煎六分食後溫服

人白散

治牙齒痒蝕齦宣腐臭血出

人中白

焙末

五錢

搗梅

炭火燒存性

三錢

柏礬

三錢

右共為末和勻先用花椒明礬煎湯洗淨後擦末藥神效

治痘瘡後走馬疔方

生砒一分 紅棗二枚去核

右二味碎搗如泥入火煨通紅即取出以碗覆地上冷定為末點在疔瘡上或口鼻內吹用

大靈丹 解毒發痘乃聖藥也治紅斑痘黑陷頂一切

惡候無死症者可用

大硃砂飛二錢 雄黃飛二錢 乳香一分 麝香三分

大蟾蜍取新瓦焙五錢 沒藥一錢五分

右共為細末將雄猪心血并鷄冠血和為丸如皂角子大身無大熱者每用一丸生酒化下熱甚忌酒紫草燈心湯下痘變紅活而起若服此不効則無可生之理矣

痘毒入眼 用兔糞焙為末米湯調下

菊花散 治痘瘡入眼

白菊花一錢五分 菘豆殼 蜜蒙花 旋覆花

穀精草 甘草各五分

右剉作一劑乾柿一枚粟米泔一鐘煎服

硝膽膏 治痘瘡爛破

用芒硝不拘多少研為末猪膽汁調塗破處
猪尾膏 治痘瘡黑陷伏不起

用猪尾血調麝香少許服之

又方 用狗蠅七個搗碎調無灰酒下夏月最多冬月
於狗耳內取之此方起發痘瘡之神藥也

天花散 治痘後失音

天花粉

桔梗

白茯苓

去皮

訶子肉

石菖蒲

甘草

各等分

右為末用水調半匙在碗內外以小竹七莖黃荆七
條縛作一束點火在碗內煎臨臥服

孕婦身發豆瘡宜單胎散若胎動不安宜獨聖散安胎
飲身熱甚宜木香參蘇飲或瘡稠蜜宜十奇散倍芍
藥當歸減桂加香附烏藥如胎未五月則半夏桂心
之屬俱不必禁

單胎散

赤茯苓

白朮

川歸

白芍藥

赤芍藥

北柴胡

乾葛

人參

桔梗

條芩

防風

陳皮

荆芥

枳殼

紫草

阿膠

糯米

炒

白芷

甘草

川芎

確砂

大熟加鬱金

各三分

右細切作一服水一盞半煎至一盞乾柿七個野苧根七寸甜瓜蒂一個用銀器煎以荷葉蓋定熬至八分去粗仍用荷葉蓋覆空心温服

獨聖散 用連殼縮砂慢火炒去殼為末每服半匙熱酒調下胎動則服服覺熱則安矣

安胎散

大腹皮

酒洗極淨焙乾再用烏豆汁洗

人參

陳皮

白朮

白芍藥

川歸

川芎

香附米

童子尿浸砂仁

紫蘊

茯苓

甘草

各半錢

右細切作一服水一盞半燈草七莖糯米一撮煎一盞食前温服

預防發痘

免痘方 凡值天行不正鄉鄰痘瘡盛發宜服此方
三豆湯

赤豆 一升

大黑豆 一升

菜豆 一升 甘草 三兩

右用二三鍾豆用水淘淨將甘草煮水去渣以甘草水煮豆熟為度逐日空心任意飲豆汁自然不出
龍鳳膏

地龍

一條細小紅活者即烏雞卵一個

右以雞卵開一水竅入地龍在內夾皮紙糊其竅飯

上蒸熟去地龍與兒食之每歲立春日食一枚終身不出痘瘡覺隣里有此症行食一二枚亦妙

除夕浴

十二月三十日黃昏時將七星大烏魚一尾小者二三尾煮湯將兒遍身浴洗耳鼻孔各要水到不可因魚鯉而用清水洗去時人不信或留一手或留一足不洗遇時行痘症此未洗處偏多為奇也此乃異人傳授非輕易而得之

延生免痘方

兒生臍帶脫落取置新瓦上用炭火四圍燒烟將盡瓦蓋地上存性研末預將透明硃砂

細末水飛若臍帶重五分硃砂末二分半以生地黃當歸身煎濃汁一二蜆殼調和前兩味抹耳上臍間及母乳頭上一日之內用盡次日大便穢垢終身無瘡疹諸疾此十分妙法也

絲瓜蒂散

絲瓜蒂三寸連皮子燒存性

右為末蜜調服入硃砂尤妙
終身不發痘

或問人有終身不發痘者何也曰無胎毒故也此千

萬中或值一二也亦有只發一二點於幽隱處而父母有不覺者曰百歲瘡亦道其常耳

夏月避蠅蚋

夏月間痘瘡宜置兒於幃帳仍以少少香油驚翎潤之以絕蠅蚋倘中蠅生蛆用猪肉切片貼上引出蛆再用藜蘆貫衆白歛爲細末香油調敷

痘生蛆

嘗見一兒痘瘡不勝其痒用簪脚挑痒處蛆出而愈適正月天氣尚寒未有飛蠅不識蛆安從來或曰意此痘初起三四日血氣未虛毒已出至七八日後毒

留於皮膚血氣虛綿延至於日久肌膚腐爛身熱未清故生蛆虫譬之腐草爲螢朽木生蠹有是理也

急救

凡自縊高懸者徐徐抱住解繩不得截斷上下安被卧之以一人用脚踏其兩肩手挽其髮常令弦急勿使緩縱一人以手按據胸上數摩動之一人摩將臂脛屈伸之若已強直但漸屈之并按其腹如此一時頃雖得氣從口出呼吸眼開仍引按不住須臾以必桂湯及粥清灌令喉潤漸漸能嚥乃止更令兩人以管

吹其兩耳此法最好無不活者自旦至暮雖冷亦可
救自暮至旦陰氣盛為救難耳

救凍死法 四肢直口噤只有微氣者

用大釜炒灰煖以囊盛熨心上冷即換之目開氣出
然後以粥清稍稍進之若不先溫其心便將火炙則
冷氣與火爭必死

救溺水法

凡人溺水者救上岸即將牛一頭却將溺水之人將
肚橫覆在牛背上兩邊用人杖策徐徐牽牛而行以
出腹中之水如醒以蘇合香丸之類或老薑擦牙若

無牛以活人於長板凳上仰臥即令溺水人如前法
將肚相抵活人身上水出即活

孫真人救落水法

急解去死人衣帶艾炙臍中即活

治魘寐即死諸暴雜證

用半夏不拘多少湯洗七次為末每用少許吹入鼻
中心頭溫者可治倉卒無藥急於人中穴及兩脚大
拇指內離甲一薤葉各灸三五壯即活

消金瘡血不止

風化灰一升 韭葉一把 野苧葉一把

共搗如泥加白臘一两乳香沒藥各五錢搗勻作餅
風處陰乾每遇金瘡為末敷之

一方 用花蓋石火煨為細末搽之

又方 用三七一味不拘多少為極細末搽之此藥定
痛止血其功不能盡述

湯火瘡

凡湯火傷急向火灸雖極痛強忍一時即不痛慎勿
以冷物塌之及井泥傳之使熱氣不出爛入肌膚

又用鷄子煮熟去白將黃煎油待涼搽之

一方 用五月五日王瓜搗碎入磁內封固懸掛以瓜
水刷瘡

一方 用絲瓜葉生者採一握木臼中爛杵敷之如無
生者將乾葉為末搽之

一方 用瓦松生栢葉搗爛敷晒乾為末搽之

一方 用粟米生炒各半為末油調敷止痛神効

治絞腸沙證 手足厥冷腹痛不可忍者

以手旋溫水於病者膝彎內拍打有紫黑點處以針
刺去惡黑紫血即愈

一方 用生明礬為末滾水調下

又方 治絞腸沙痛不可忍炒鹽一两熱調灌入口中
或吐或利腸痛即止

又方 若陰沙腹痛而手足冷有身上紅點以燈草蘸油點火燒之陽沙則腸痛而手足暖以鍼刺其手指近爪甲處一分半許出血即安仍先自兩臂捋下其惡血令聚指頭刺出血

諸骨鯁 治一切骨鯁

用金鳳花子嚼爛噙下無子用根亦可

金胸釣食丸 治諸鯁

用葳靈仙根不拘多少以好米醋浸一二日晒乾爲末醋糊爲丸梧子大每服一九或二九半茶半湯下如要吐轉用沙糖銅青爲末半匙滴油一二點同茶

湯調服即吐出原物如藥來遲令患者兩手伏地用清水一盆以鷺翎口中攪探即吐出於盆內

一方 治諸骨鯁

象牙磨水吞即下

一方 用玉簪花根搗爛水調箬葉嚙下勿令粘齒効

蜈蚣蝎咬毒

治蜈蚣咬 用生鷄血傳上立愈

又方 用鷄糞塗之

又方 用麻油點燈於瘡口上對口薰之

又方 用南星磨汁傳之効

又方 蜈蚣咬痛不止獨頭蒜磨咬處

又方 用蜘蛛一枚安咬處當自吸毒如蜘蛛死而痛

未止再更易蜘蛛一枚吸之

蜈蚣咬以鹽傳其傷處吹以鹽湯洗之

或用靛塗罨之亦効

諸般惡虫咬以酥鹽傳之 又以油浸紫草塗之

治蝎蜘蛛蛇毒鷄卵輕敲一小孔合咬處瘡

治毒蛇射工沙虱等物傷着人眼黑口噤手足強直毒

氣入腹

白礬

甘草 各等分

右為末每服二錢冷水調下

蛇咬

治毒蛇傷急以小便洗去血吹取口中唾塗之又以

牙塗封傷處傳而護之甚妙且不痛腫

路行卒被蛇咬當急扯髮脚帶扎縛傷處上下寸許

使毒氣不能悞傷肌體

用具毋研末酒調服

咬破處以白礬末擦另用二錢服之防毒氣攻心

急用白礬安刀頭火上溶汁沸滴傷處待冷以長篋

子速挑去厭面則毒血隨出黯腫尚未退更瀉之以

退為度

一方 治蛇傷

雄黃

五靈脂

貝母

香白芷

右為末每二錢熱酒調服

風狗咬

用乾蝦蟆一箇為末班毛二十一箇去頭足糯米炒

去米又用加射香一分米糊為丸分三服滾水空心

送下

一方 用核桃殼牢固將人乾糞填滿以榆皮蓋定罨

於傷處又用艾於核桃上灸四十壯即愈永不復發

治風狗咬即用犬糞塗仍拔去頂上紅髮

治食河豚魚中毒

一時無醫倉卒無藥急以清油多灌之使毒物盡吐

為愈

用蘆根搗汁或煎湯服之

中烏頭天雄附子毒

用大豆汁解 遠志防風棗肉飴湯並皆解

解砒毒 用稻草燒灰滾水瀝過調青黛服之

一方 用黑鉛磨水服 或用羊血水調服之

解斑猫毒煮黑豆汁飲之亦能解 砒毒及巴豆毒

又用藍沙糖二味相和搗水服之或更薄荷汁尤妙
中巴豆毒

以黃連大豆菖蒲汁解之

治中諸藥毒

生甘草

黑豆

淡竹葉

右剉用水一碗濃煎連服

又方 解諸毒

用黃連其節水一碗煎服

中牛馬肉毒

用萬病玉樹丹 方見蠱毒門

竹木刺針入肉

凡諸竹木刺入肉中不出以蟬蟪虫研傅立出

又方 用白茅根搗傅之立出

又方 嚼牛膝根罨即出

治竹木刺扎入深不得出用烏羊糞搗水和罨於傷處
厚傅之

治針入肉不出用螻蛄腦子同硫黃研細調傅以紙花
貼定如覺癢時其針自出

前頭入肉

治箭鏃入骨不可拔者

巴豆

去殼微炒

蜷螂

研勻塗傷處須臾痛定

又微癢忍之待極痒不可忍便撼動箭鏃拔之立出
出箭頭方

蜷螂

不拘多少全用

射香

右為極細木撥動箭頭搽藥瘡口內

解藥箭毒

人中黃 本人自嚼敷瘡口又嚼燕下其毒自解

解蠱毒

辨蠱毒法先令患者嚼白礬一塊不知澁嚼生薑不知辣生黃豆一撮不知腥氣者為驗即磨一二錠玉

樞丹服之或吐出或瀉下惡物盡為度或用梳齒垢
膩水調服吐出物亦可

玉樞丹 一名神仙太乙紫金丹 一名紫金錠

一名解毒丹

解諸毒療諸瘡利關竅通治自病此藥真能起死回
生嘗製十數萬錠濟人奇効不可盡述凡居家出外
與大工動大兵及閩廣雲貴仕宦行兵尤不可無之

山茨菰

南北處處有之俗名金燈籠葉似蓮花似

燈籠色白上有黑點結子三稜二月開花似
三月結子四月初苗枯即空地得之遲則苗腐爛
難尋矣與有毒老鴉蒜極相類但蒜無毛茨菰上
有毛包裏宜辨去川文蛤一名五倍子搗破洗刮
皮洗極淨焙一兩

麝香揀細研血毛皮殼千金子一名續隨子去殼揀色極白者用紙包裹
再研紙研數拾次去盡油以色白紅芽大戟杭州紫
上方江南土大戟次之去芦根洗極淨焙乾一兩半
吐血者忌之真之

右製法宜端午七夕重陽或天月德黃道上吉日脩
合量藥多宜預期數日前主人及醫生俱齋戒沐浴
易灑濯及新潔衣巾履襪於僻靜淨室焚香將前五
味各為極細末設盥洗盆出入必淨手薰香各用新
潔器盛紙蓋至期夙興主人率醫生焚香陳設藥品
誠心拜禱

天地畢用數盆各逐盆配合分兩攪和數百次極勻仍重
羅兩遍依方用糯米濃飲調和於木臼中杵數千下
極光潤為度每錠一錢每服一錠病勢重者連服通
利一兩行無妨用溫粥補住要在齊心至誠極其潔
淨如法脩製毋令喪服體氣不具是人婦人拜雞犬
見之

治一切飲食藥毒蠱毒瘴氣惡菌河沌喫死牛馬駝羸
等諸毒並用凉水磨服南方蠱毒瘴癘傷人絕覺意
思不快即磨服一錠或吐或利隨手便愈
癰疽發背對口天蛇頭無名疔腫楊梅等毒一切惡瘡

諸風隱癰赤腫未破時及痔瘡並用無灰淡酒磨服
及用凉水調塗瘡上日夜各數次覺痒立消已潰出
膿血者亦減分數

陰陽二毒傷寒心悶狂言亂語腦膈壅滯和毒未發及
瘟疫喉閉纏風冷水薄荷一小葉研下

心氣痛并諸氣用淡酒或淡薑湯磨服

赤白痢疾泄瀉肚腹急痛霍亂絞腸痧等症及諸痰症
並用薄荷湯磨化服

男子婦人急中顛和喝吐亂走鬼交鬼胎鬼氣狂亂失
心羊兒猪癩等風中風中氣口眼歪斜牙關緊急齧

言蹇澁筋脉攣縮骨節風腫手脚腰腿週身疼痛行
步艱辛諸風諸癰並用熱無灰酒下

自縊溺水死心頭暖者驚死鬼迷死未隔宿者冷水磨
灌下

毒蛇風犬一應惡虫傷冷水磨塗傷處另用淡酒磨服
久近瘰癧臨發時用東流水煎桃柳枝湯磨下

小兒急慢驚風五疳五痢脾病黃腫癰瘡瘡溜牙關緊
急並用蜜水薄荷葉同磨下及搽量兒大小一圓作

二三服

牙痛酒磨塗及含藥少許良久吞下

湯火傷雪水磨塗傷處打撲傷損炒松節無灰酒下
年深日近頭疼太陽疼用酒入薄荷研爛磨紙花貼太
陽穴上

諸蠱腫脹大麥芽煎湯下

婦人女子經水不通紅花煎湯下 有孕婦人不可服

一家患傳屍勞兄弟五人已死者三方士令服此藥遂

各進一錠一下惡物如膿狀一下死蟲如蛾形俱獲

生其人遂以此藥廣濟傳屍症無不驗者

一女子久患勞瘵為屍蟲所噬磨一錠服之一時吐下

小虫十餘條後服蘇合香丸半月遂如常藥品雖不

言補羸瘦人服之並効誠濟世衛身之寶也每料價

銀不過二錢可救數十人內用山茨菰千金子皆用

子可種仁人君子合宜濟人陰功不小

二牛馬六畜中毒亦以此藥救之

一方加雄黃明透如石榴子者二錢歷試治諸瘡立効

雄黃解毒丸

雄黃 一兩 鬱金 一兩 巴豆 八錢 去油炒 乳香 二錢

沒藥 二錢

右為末醋糊丸硃砂為衣每服五七丸

疔瘡數日毒氣入內服之即効 心氣痛醋下

纏喉風茶湯下吐涎妙不吐再服氣不順木香湯下

急心痛艾湯下 蛇傷雄黃水下

人暴死但心頭有熱灌下無不活發熱白湯下

諸般腫毒癰疽小兒驚風酒下 痢疾甘草湯下

風狗傷斑猫七個炒防風湯下 頭風痛川蘄湯下

喉痺薄荷湯下乳香酒下 膨脹香附湯下

身浮腫荆芥艾湯下 疔腮芍藥湯下

口眼喎斜麻黃湯下 瘡症井花水下

婦人經水不行紅花湯下 酒食傷鹽湯下

脚腰痛當歸酒下

半身不遂風症用薑十片棗十枚葱十根絹袋盛入確

煮日三次緩即浸酒亦可春三夏一秋五冬七

中惡鬼氣

其症暮夜或登廁或出郊野或遊冷室或行人所不

至之地忽然眼見鬼物鼻口吸着惡鬼氣驀然倒地

四肢逆冷兩手握拳鼻口出清血性命遂巡頃臾不

救此症與尸厥同但腹不鳴心腹俱暖凡中惡驀然

倒地切勿移動其屍即令親戚眾人圍繞打鼓燒火

或燒麝香安息香蘇合香樟木之類值候醒記人事

方可移歸

疾首痛心者按之法不少置一切
冗征繁賦搜剔靡遺所以蘇凋瘵
起疲癯以培楚人之命脉者歲不
下數萬計其種種示人頒之條約
播之告諭者夫孰非活人之方而
又暇此之傳哉顧

公之心無窮則所以仁之者亦無窮
吾觀唐陸宣公宋文潞公皆賢相

其勲業赫奕宇內而陸之方書文
之藥準傳於今不衰

公具經綸局醫國手出其素所料理
者于楚不二年而楚人被

公之澤者且百世是書之傳使匹夫
匹婦少有所濟以寄其仁愛於無
窮者亦

公之心之所甚殷也

公受

聖天子耳目喉舌之寄行將晉持鼎鉉
調燮元化以登斯民於仁壽者將
必有下視古人者矣春不佞輒贅
此語於後俾覽者知
公仁民愛物之心固如此其無已也
夫

隆慶陸年壬申歲閏貳月吉日湖

廣等處提刑按察司按察使洛陽
溫如春謹書

新刊精選醫方摘要卷之十二終



